



Broj: 02-11-4-8221-21

Datum: _____

Na osnovu člana 23. stav (3), tačka h) i člana 24. stav (2) i (3) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19, 31/19 i 39/20), člana 70. stav (1) i (3) i člana 122. stav 1. Zakona o javnim nabavkama („Službeni glasnik BiH”, broj 39/14 i 59/22), zamjenik policijskog komesara, d o n o s i:

ODLUKU
o izboru najpovoljnijeg ponuđača
“Nabavka vozila za specijalne namjene”

I

Na osnovu Odluke o pokretanju postupka, broj 02-11-4-8221, od 18.11.2022. godine i Obavještenja o nabavci, broj 16475-2-1-59-3-106/22, od 21.11.2022. godine proveden je ograničeni postupak, “Nabavka vozila za specijalne namjene“, za potrebe Uprave policije Ministarstva unutrašnjih poslova Kantona Sarajevo (nabavka iz područja odbrane i bezbjednosti).

II

Prihvata se preporuka Komisije za nabavku vozila za specijalne namjene, imenovane rješenjem, broj 02/5-1-30-1-5702/22, od 18.08.2022. godine, iz zapisnika o pregledu i ocjeni ponuda, broj 02/-11-4-8221-20, od 25.05.2023. godine i dodjeljuje ugovor ponuđaču “KM Trade” d.o.o. Visoko. Ukupna vrijednost ponude iznosi 3.247.863,00 KM bez PDV-a, odnosno 3.799.999,71 KM sa PDV-om.

III

Ponuda ponuđača DanialS d.o.o. Tešanj se odbacuje, u skladu sa članom 68. stav (4) tačka i) Zakona, iz razloga što ponuda ne ispunjava zahtjeve iz tenderske dokumentacije i tehničkih specifikacija.

IV

Po okončanju roka za žalbu, ugovorni organ će pozvati izabranog ponuđača radi zaključivanja ugovora, kojim će se regulisati međusobna prava i obaveze, sa trajanjem do uredne realizacije ugovorenih obaveza ugovornih strana.

V

Ova Odluka stupa na snagu danom donošenja.

O b r a z l o ž e n j e

Na osnovu Odluke o pokretanju postupka, broj 02-11-4-8221, od 18.11.2022. godine, i Obavještenja o nabavci, broj 16475-2-1-59-3-106/22, od 21.11.2022. godine proveden je ograničeni postupak, "Nabavka vozila za specijalne namjene", za potrebe Uprave policije Ministarstva unutrašnjih poslova Kantona Sarajevo (nabavka iz područja odbrane i bezbjednosti).

Procijenjena vrijednost nabavke iznosi 3.247.863,00 KM bez PDV-a.

Prema Zapisniku sa otvaranja ponuda od 15.05.2023. godine, za aktivno učešće u drugoj fazi postupka dostavljene su ponude od strane ponuđača "KM Trade" d.o.o. Visoko i DanialS d.o.o. Tešanj.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, broj 02-11-4-8221-20 od 25.05.2023. godine, u kome je navela da ponuda ponuđača "KM Trade" d.o.o. Visoko, ispunjava sve formalno-pravne, ekonomske i tehničke uslove i zadovoljava zahtjeve ugovornog organa.

Ponuda ponuđača DanialS d.o.o. Tešanj nije prihvatljiva, iz razloga što ne ispunjava zahtjeve iz tenderske dokumentacije i tehničkih specifikacija, a koji su obrazloženi u tački 7. Zapisnika o pregledu i ocjeni ponuda. Ponuđač u prilogu Aneksa III nije naveo sve tehničke karakteristike što je bio dužan navesti na predviđeno mjesto u skladu sa tenderskom dokumentacijom. Prema tački 10. h) Tenderske dokumentacije ponuđači su dužni da ispune sve tehničke karakteristike zahtijevane tehničkim specifikacijama, te da dostave detaljne tehničke podatke, katalošku dokumentaciju/brošuru/deklaraciju proizvođača vozila ili drugi ekvivalentan dokument koji sadrži opis ponuđene robe prema tehničkoj specifikaciji, uz napomenu da u dokumentu/tehničkim podacima moraju biti vidljive sve tražene tehničke karakteristike ponuđene opreme. Ispunjavanje tehničkih zahtjeva koji nisu vidljivi u fabričkim specifikacijama (koja se odnosi na dodatnu opremu) ponuđači dokazuju tehničkim podacima naknadno ugrađene opreme i izjavom ponuđača. Specifične tehničke zahtjeve koji se odnose na dokazivanje pojedinih tehničkih zahtjeva i balističke zaštite ponuđači su bili dužni dostaviti osim navedenog dokaza i dodatne dokaze, koji su navedeni u tehničkim specifikacijama, koje ponuđač nije dostavio u skladu sa zahtjevima iz tehničke specifikacije, te nije dokazao ispunjavanje zahtijevanih nivoa standarda zaštite za balističku zaštitu metalnih panela i stakala, kako je zahtijevano tenderskom dokumentacijom. Nadalje ponuđač nije dostavio dokaz vezan za ispunjavanje zahtjeva u pogledu statičkog praga prevrtanja vozila. Prema tome, ponuđač nije dokazao da ispunjava sve tehničke zahtjeve opisane u Zapisniku o pregledu i ocjeni ponuda, te nije dostavio tehnički dokaz u kome su vidljivi svi zahtijevani tehnički podaci, iz kojih se može zaključiti tačno koje su tačne specifikacije vozila iz ponude a imajući u vidu i nepodudarnost tehničkih podataka navedenih u u prilogu Aneksa III, katalogu sa strane 19-25 u odnosu na dokument tehničkih podataka dostavljen na strani 80-101. ponude.

S obzirom da je Tenderskom dokumentacijom i Obavještenjem o nabavci bilo predviđeno provođenje postupka elektronske aukcije i da je u postupku zaprimljena jedna prihvatljiva ponuda, nisu se stekli uslovi za provođenje elektronske aukcije u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16).

Shodno prethodno navedenom, u skladu sa utvrđenim kriterijumom najniža cijena ponuda ponuđača "KM Trade" d.o.o. Visoko, je ocijenjena kao prihvatljiva, te je Komisija dala preporuku da se dodijeli Ugovor navedenom ponuđaču.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.

ZAMJENIK POLICIJSKOG KOMESARA

Glavni inspektor

Fatmir Hajdarević

DOSTAVITI:

1. Komisiji
2. Sektoru za materijalno-finansijske poslove
3. Ponuđačima x2
4. Odjeljenju za odnose s javnošću
radi objave na web stranici ugov. organa
5. a/a